



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

4. De Maria Ægyptiaca, quæ per beatam Mariam adiuta, & ad meliorem vitam conuersa, pœnitentiæ speculum impudicis omnibus præbuit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

Petrus Canisius lib. 5. cap. 20. operis de B. virgine citans Paulum diaconum, & Concilium Nicenum secundum, & Centuriatores Magdeburgen. De Maria Aegyptiaca, qua per B. Mariam adiuta & ad meliorem vitam cōuersa, pœnitentie speculum impudicis omnibus prœbuit.

CAP. IIII.

MARIA Aegyptiaca multis annis velut Veneris victima, impudicitiae frena laxarat, suumque corpus vagæ multorum libidini, foedissimè prostituerat, priusquam ad templū Hierosolymitanum, quod ob Dominicæ crucis reuerentiam sacrum ac celebre, religionis ergo proficisceretur. Quū verò cerneret, se ab huius templi ingressu nō semel, nec obscurè, ac omnino diuinitus prohiberi, prioris vitæ turpitudinem agnoscere & deplorare cœpit, seque ad Deiparæ imaginem, quæ templum ingressuris occurrebat, nō sine pudore conuertit, atque ita cum lachrymis dixit: Domina virgo, quæ Deum verum genuisti, corpus habens & animam mundam & immaculatam, adiua me solitariam, & nulum habentem adiutorium. In Synodo Nicœna sic eadem esse precata legitur: Quandoquidem, vt audiui, propter hoc Deus, quem genuisti, homo factus est, vt peccatores ad pœnitentiam vocaret, auxiliare mihi soli, & non habenti, qui mihi suppetias ferat. Vt reliquam orationis partem prætermittam. Adiecit deinde

inde promissionem se posthac omnibus mundi illecebris carnisque delitijs renunciaturum ac totius vite cursum in melius commutaturum esse, modò templum hoc ingredi, ac offerre Deo reconciliari posset. Quæ postquam sine impedimento in templum ingressa, opemque virginis sibi præsentem experta est, iterumque iterum Mariæ sese commendauit, votum explendum propitia porro & custodiendi adesse vellet. Inde verò digressa, ad veteris vite sordes nunquam rediit, sed mundi concupiscentiis blandimentis ac voluptatibus animo repudiatis, in vastam eremum contendit, ubi veteris prioris labe contractas, magna vite seruitute suscepta, & dignis poenitentiae fructibus editis diluit, frequenter solita virginem invocare. Tibi quidem, inquit, o bonarum rerum amatrix Domina, quæ tantam mihi propter meritum humanitatem exhibuisti, preces meas nec reiecisti, gloria. Tu verò me, quod placuerit, ducito, esto mihi salutis magister mihi viam, quæ ad poenitentiam ducit, indica: Domina Deipara, ne me derelinquas. sub huius quidem Patrocinio eum vitam suam solitaria tenuit, & ad annos usque quadraginta septem absoluit, omnium ferè tentationum, & diabolicarum infestationum acerrimis vexata spinis, ut impudicis & viris & feminis, si ad emendatiorem viuendi disciplinam aspirent, poenitentiae speculum & exemplar illustre prabeat, digna etiam, quæ

Magi

Magdalena Evangelica peccatrice, ab omni Ecclesia quotannis festo proprio decoretur.

Sigebertus in Cronica, & citat Petrus Canisius Theologus in opere de B. virgine lib. 5. cap. 20. De muliere Laudunensi per B. Mariam in medijs flammis illaesa conseruata.

CAP. V.

Vixit circa annum Domini 1094. non procul ab vrbe Laudunensi quædam mulier, quæ arcanum homicidij crimen à se commissum in exomologesi: detexerat Sacerdoti, ac deinde post acceptam mortis sententiam, vt flammis ardētibus traderetur, ad supplicij locum ducebatur. Et quoniam per Dei-paræ templum iter habuit, vbi toti populo peccatum suum confessa est, virgini matri magna etiam fiducia supplicauit, seq; totam eius patrocinio commendauit. Hinc digressa, & iam in ignem semel atque iterum coniecta, tantum Dei & virginis beneficium sensit, nihil vt ab igne quamuis copioso & vehementi, caperet detrimenti, imò non modo carnem, sed vestem etiam, ab omni flammarum iniuria seruauit semper illæsam. Cùm hinc admiratio ingens animos populi occuparet, ad dictum Mariæ templum cursitatum est, vt vna cum bona muliere, Deo & virgini gratiæ agerentur, tantumque miraculum ad virginis inuocationem gestum, communi omnium læticia celebraretur.

G

D. Pe-